

Վարչական տույժ նշանակելու մասին

«05» մայիս 2023թ.

ք. Վանաձոր

ՀՀ ՊԵԿ Արևելյան մաքսատուն-վարչության պետ Հայկ Միրզոյանս, ուսումնասիրելով ՀՀ քաղաքացի Լևոն Աբրահամի Թութունջյանի /անձն. BA2887967, ծնված՝ 18.03.1990թ.-ին, հասցեն՝ 0001, ՀՀ Երևան, Նալբանդյան փ., շենք 3, բն. 15/ կողմից մաքսային կանոնների խախտման վերաբերյալ նյութերը,

Պ Ա Ր Զ Ե Ց Ի

ՀՀ քաղաքացի Լևոն Թութունջյանը 2022 թվականի նոյեմբերի 27-ին ժամանելով ՀՀ ՊԵԿ ԱՄՎ Բագրատաշենի մաքսային կետ-բաժին իր հետ տեղափոխել է ապրանքներ 48 կգ ընդհանուր քաշով օգտագործված պահեստամասեր: Նույն օրը տվյալ ապրանքները հանձնվել են մաքսային մարմինների ժամանակավոր պահպանմանը: Ժամանակավոր պահպանման ժամկետը ավարտվել է 28.03.2023 թվականին: Նշված ապրանքների վերաբերյալ սահմանված ժամկետում Լևոն Թութունջյանը մաքսային հայտարարագիր չի ներկայացրել: 04.04.2023թ.-ին նշված ապրանքների վերաբերյալ կազմվել է «Ապրանքների և դրանց վերաբերյալ փաստաթղթերի արգելապահման» արձանագրություն:

Փաստի առթիվ Լևոն Թութունջյանի նկատմամբ 04.04.2023թ.-ին կազմվել է մաքսային կանոնների խախտման վերաբերյալ արձանագրություն «Մաքսային կարգավորման մասին» ՀՀ օրենքի 304-րդ հոդվածի հատկանիշներով:

Նշանակվել է վարչական գործի լսումներ 2023թ.-ի ապրիլի 28-ին ժամը 10:30-ին և գործի քննություն 2023թ.-ի մայիսի 05-ին ժամը 11:00-ին ՀՀ ՊԵԿ Արևելյան մաքսատուն-վարչության վարչական շենքում, ինչի մասին վերջինս հասցեին ուղարկվել է ծանուցագիր, սակայն ծրարը վերաարձել է «Տեղափոխված» նշագրմամբ:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ «Ապրանքների ժամանակավոր պահպանման ժամկետը հաշվարկվում է ապրանքները

Ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի»:

Նույն օրենսգրքի 110-րդ հոդվածի 1-ին կետի համաձայն՝ «Միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում»:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն»:

Նույն հոդվածի 2-րդ մասի համաձայն՝ «Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Նույն հոդվածի 3-րդ մասի համաձայն՝ «Սույն գլխում կիրառվող հասկացությունները օգտագործվում են Միության մաքսային օրենսգրքի և Վարչական իրավախախտումների վերաբերյալ Հայաստանի Հանրապետության օրենսգրքի իմաստներով»:

«Մաքսային կարգավորման մասին» ՀՀ օրենքի 304-րդ հոդվածի համաձայն՝ «Սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը, առաջացնում է տուգանք՝ ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Ըստ ՀՀ ՊԵԿ Ներքին անվտանգության վարչության կողմից տրամադրված սահմանահատման պատմության վերջինս գտնվում էր ՀՀ սահմաններից դուրս:

Վարչական վարույթի նյութերի ուսումնասիրության ընթացքում պարզվել է ՀՀ քաղաքացի Լևոն Թութունջյանը 2022 թվականի նոյեմբերի 27-ին ժամանելով ՀՀ ՊԵԿ ԱՄՎ Բագրատաշենի մաքսային կետ-բաժին իր հետ տեղափոխել է ապրանքներ 48 կգ ընդհանուր քաշով օգտագործված պահեստամասեր, որը նույն օրը հանձնվել է մաքսային մարմինների ժամանակավոր պահպանմանը /համաձայն՝ «Մաքսային մարմինների ժամանակավոր պահպանման պահեստներում մաքսային մարմինների կողմից ապրանքները և տրանսպորտային միջոցները ժամանակավոր պահպանման վերցնելու» թիվ 292 անդորրագրի/: Ժամանակավոր պահպանման ժամկետը ավարտվել է 28.03.2023 թվականին: Նշված ապրանքների վերաբերյալ սահմանված ժամկետում Լևոն Թութունջյանը մաքսային հայտարարագիր չի ներկայացրել, որի համար 04.04.2023թ.-ին կազմվել է ապրանքների և դրանց վերաբերյալ փաստաթղթերի արգելապահման արձանագրություն:

Այսպիսով նյութերով պարզվել է, որ Լևոն Թութունջյանի արարքում առկա է «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 304-րդ, 322-րդ, 334-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար, Լևոն Թութունջյանին ենթարկել վարչական պատասխանատվության՝ տուգանելով **30000 (երեսուն հազար)** ՀՀ դրամի չափով:
2. Որոշման մասին հայտնել Լևոն Թութունջյանին:
3. Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն հոդվածի 4-րդ մասի՝ Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

Սույն որոշմամբ նշանակված փուզանքի վճարման հաշվեհամարն է. 900005024055՝ (Արևելյան մաքսափուն-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ


ՀԱՅԿ ՄԻՐԶՈՅԱՆ